



Stručno predavanje u poliklinici Sunce Agram



Sa predavanja u poliklinici Sunce-Agram

(foto S. Sultanović)

Prevenција i liječenje karcinoma cerviksa

U poliklinici Sunce-Agram u petak je održano stručno predavanje o karcinomu cerviksa, koje je organizirao tim ove zdravstvene ustanove.

Predavači su bili prof. dr. Branko Stanimirović, načelnik Ginekološko-akušerske klinike Narodni front iz Beograda, i prof. dr. Sebija Izetbegović sa Ginekološko-akušerske klinike Sarajevo.

Direktor poliklinike Sunce-Agram dr. Taib Delić, specijalista ginekolog, rekao je za "San" da je cilj predavanja razmjena iskustava i saznanja o trendovima kretanja karcinoma grlića materice u BiH,

odnosno u regiji.

- U Evropi je broj oboljelih od karcinoma grlića materice u padu, ali kod nas se to ne dešava. Razgovarali smo zbog čega je to tako i šta mi ginekolozi još možemo poduzeti da se i kod nas počne smanjivati broj oboljelih. Razmjenom iskustava nastojali smo doći do najboljih načina u prevenciji i liječenju ove bolesti, a sve u cilju unapređivanja zdravlja naših pacijenata - istaknuo je dr. Delić.

Pored ginekologa, skupu su prisustvovali i citolozi, onkolozi i patolozi iz Hrvatske, Srbije i BiH.

I. T.